


大智度論

籍

第四

二百八
聖四

46840



Vertical inscription in seal script characters, likely a collector's or library's name.



大智度論卷第四

龍樹菩薩造

姚秦三藏法師鳩摩羅什譯

釋初品中菩薩第八

復有菩薩摩訶薩問曰若從上數應先菩薩次第比丘比丘及優婆塞優婆夷菩薩次佛故若從下數應先優婆夷次第優婆塞比丘

及比丘菩薩今何以先說比丘次三衆後說

菩薩答曰菩薩雖應次佛以諸煩惱未盡故

先說阿羅漢諸阿羅漢智慧雖少而已成熟

諸菩薩智慧雖多而煩惱未盡是故先說阿

羅漢佛法有二種一秘密二顯示顯示中佛

辟支佛阿羅漢皆是福田以其煩惱盡無餘

故秘密中說諸菩薩得無生法忍煩惱已斷
具六神通利益衆生以顯示法故前說阿羅
漢後說菩薩復次菩薩以方便力現入五道
受五欲引導衆生若在阿羅漢上諸天世人
當生疑怙是故後說問曰在阿羅漢後可介
何以反在優婆塞優婆夷後答曰四衆雖漏
未盡盡在不久故通名聲聞衆若於四衆中
聞說菩薩者則不便如比丘尼得無量律儀
故應次比丘後在沙彌前佛以儀法不便故
在沙彌後此諸菩薩亦如是雖應在學人三
衆上以不便故在後說復次有人言菩薩功
德智慧超殊阿羅漢辟支佛是故別說問曰

聲聞經中但說四衆此中何以別說菩薩衆
答曰有二種道一聲聞道二菩提薩埵任道比
丘比丘居優婆塞優婆夷若說四衆當知是
求聲聞道者若別說菩薩摩訶薩衆當知是
求佛道者以是故聲聞法中經初無佛在某
處某處任尔所菩薩俱但言佛某處某處任
與尔所比丘俱如說佛在波羅柰與五比丘
俱佛在伽耶國中與千比丘俱佛在舍婆提
與五百比丘俱如是種種經初不說與菩薩
若干人俱問曰諸菩薩二種若出家若在家
在家菩薩捨說在優婆塞優婆夷中出家菩
薩捨說在比丘比丘居中今何以故別說答

曰雖揔在四衆中應當別說何以故是菩薩
必墮四衆中有四衆不墮菩薩中何者是有
聲聞人辟支佛人有求生天人有求樂自活
人此四種人不墮菩薩中何以故是人不發
心言我當作佛故復次菩薩得無生法忍故
一切名字生死相斷出三界不墮衆生數中
何以故聲聞人得阿羅漢道滅度已尚不墮
衆生數中何況菩薩如波羅延經優波尸難
中偈說

已滅無處更出不
既入涅槃常住不

若已永滅不出不
唯願大智說其實

佛卷

滅者即是不可量

破壞因緣及名相

一切言語道已過

一時都盡如火滅

如阿羅漢一切名字尚斷何況菩薩能破一切諸法知實相得法身而不斷耶以是故摩訶衍四衆中別說菩薩問曰何以故大乘經初菩薩衆聲聞衆兩說聲聞經初獨說比丘衆不說菩薩衆答曰欲辯二乘議故佛乘及聲聞乘聲聞乘狹小佛乘廣大聲聞乘自利自爲佛乘益一切復次聲聞乘多說衆生空佛乘說衆生空法空如是等種種分別三乘分別說是二道故摩訶衍經聲聞衆菩薩衆兩說如讚摩訶衍偈中說

得此大乘人

能與一切樂

利益以實法

今得無上道

得此大乘人

慈悲一切故

頭目以布施

捨之如草木

得此大乘人

護持清淨戒

如猫牛愛尾

不惜身壽命

得此大乘人

能得無上忍

若有割截身

視之如斷草

得此大乘人

精進無厭倦

力行不休息

如抒大海者

得此大乘人

廣修無量定

神通聖道力

清淨得自在

得此大乘人

分別諸法相

無壞實智慧

是中已具足

不可思議智

無量非心轉

不入二法中

等觀一切法

驢馬駝象乘

雖同不相匹

菩薩及聲聞

大小亦如是

大慈悲為軸

智慧為兩輪

精進為快馬

戒定以為銜

忍辱心為鎧

摠持為轡勒

摩訶衍乘人

能度於一切

問曰如聲聞經初但說比丘眾摩訶衍經初何以不但說菩薩眾答曰摩訶衍廣大諸乘諸道皆入摩訶衍聲聞乘狹小不受摩訶衍譬如恒河不受大海以其狹小故大海能受眾流以其廣大故摩訶衍法亦是如偈說摩訶衍如海 小乘牛跡水 小故不受大其喻亦如是 以是故小乘眾不受菩薩問曰何等名菩提何等名薩埵答曰菩提名諸佛道薩埵名或眾生或大心是人諸佛道

功德盡欲得其心不可斷不可破如金剛山
是名大心如偈說

一切諸佛法 智慧及戒定 能利益一切

是名爲菩提 其心不可動 能忍成道事

不斷亦不破 是名菩薩埵

復次稱讚好法名爲薩好法體相名爲埵菩

薩心自利利他故度一切衆生故知一切法
實性故行阿耨多羅三藐三菩提道故爲一
切賢聖之所稱讚故是名菩提薩埵所以者
何一切諸法中佛法最第一是人欲取是法
故爲賢聖所讚歎復次如是人爲一切衆生
脫生老死故索佛道是名菩提薩埵復次三

種道皆是菩提一者佛道二者聲聞道三者
辟支佛道辟支佛道聲聞道雖得菩提而不
稱爲菩提佛功德中菩提稱爲菩提是名菩
提薩埵問曰齊何名菩提薩埵答曰有大誓
願心不可動精進不退以是三事名爲菩提
薩埵復次有人言初發心作願我當作佛度
一切衆生從是已來名菩提薩埵如偈說
佛初發心時 誓願當作佛 已過諸世間
應受世供養

從初發心到第九無礙入金剛三昧中是中
間名爲菩提薩埵是菩提薩埵有兩種有鞞
跋致有阿鞞跋致如退法不退法阿羅漢阿

鞞跋致菩薩埵是名實菩薩以是實菩薩
故諸餘退轉菩薩皆名菩薩譬如得四道人
是名實僧以實僧故諸未得道者皆得名僧
問曰云何知是菩薩鞞跋致阿鞞跋致答曰
般若波羅蜜阿鞞跋致品中佛自說阿鞞跋
致相如是相是退轉如是相是不退轉復次
若菩薩一法得好修好念是名阿鞞跋致菩
薩何等一法一心集諸善法如說諸佛一心
集諸善法故得阿耨多羅三藐三菩提復次
有菩薩得一法是阿鞞跋致相何等一法正
直精進如佛問阿難阿難汝說精進如是世
尊阿難汝讚精進如是善逝阿難常行常修

常念精進乃至令人得阿耨多羅三藐三菩
提如經廣說復次若得二法是時是阿鞞跋
致相何等二法一切法實知空亦念不捨一
切衆生如是人名爲阿鞞跋致菩薩復次得
三法一者若一心作願欲成佛道如金剛不
可動不可破二者於一切衆生悲心徹入骨
髓三者得般舟三昧能見現在諸佛是時名
阿鞞跋致復次阿毗曇中迦旃延居士弟子
輩言何名菩薩自覺復能覺他是名菩薩必
當作佛是名菩薩菩提名漏盡人智慧是人
從智慧生智慧人所護智慧人所養故是名
菩薩又言發阿鞞跋致心從是已後名菩薩

又言若離五法得五法是名菩薩何謂五法
離三惡道常生天上人間離貧窮下賤常得
尊貴離非男法常得男子身離諸形殘缺陋
諸根具足離捨喜忘常憶宿命得是宿命智
慧常離一切惡法遠捨惡人常求道法攝取
弟子如是名爲菩薩又言從種三十二相業
已來是名菩薩問曰何時種三十二相業因緣
答曰過三阿僧祇劫然後種三十二相業因
緣問曰幾時名阿僧祇答曰天人中能知筭
數者極數不能知是名一阿僧祇如一一名
二二二名四三三名九十十名百十百名千
十千名万千万名億千万億名那由他千万

那由他名頻婆千万頻婆名迦他過迦他名
阿僧祇如是數三阿僧祇若行一阿僧祇滿
行第二阿僧祇第二阿僧祇滿行第三阿僧
祇譬如筭數法筭一乃至筭百百筭竟還至
一如是菩薩一阿僧祇過還從一起初阿僧
祇中心不自知我當作佛不作佛二阿僧祇
中心雖能知我必作佛而口不稱我當作佛
三阿僧祇中心了了自知得作佛口自發言
無所畏難我於來世當作佛釋迦文佛從過
去釋迦文佛到刺那尸棄佛爲初阿僧祇是
中菩薩永離女人身從刺那尸棄佛至然燈
佛爲二阿僧祇是中菩薩七枚青蓮華供養

然燈佛敷鹿皮衣布髮掩泥是時然燈佛便授其記汝當來世作佛名釋迦牟尼從然燈佛至毗婆尸佛爲第三阿僧祇若過三阿僧祇劫是時菩薩種三十二相業因緣問曰三十二相業何處可種答曰欲界中非色無色界於欲界五道在人道中種於四天下閻浮提中種非拘耶尼鬱單羅越弗婆提唯在閻浮提於男子身種非女人佛出世時種佛不出世不得種緣佛身得種緣餘不得種問曰是三十二相業於身業口業意業何業種答曰意業種非身口業何以故是意業利故問曰意業有六識是三十二相業爲是意識種

是五識種答曰是意識非五識何以故五識不能分別以是故意識種問曰何相初種答曰有人言足安立相先種何以故先安立然後能種餘相有人言紺青眼相初種得此眼相大慈觀衆生雖有是語不必尔也若相因緣和合時便是初種問曰一思種爲多思種答曰三十二思種三十二相一思種一相二相百福德莊嚴問曰幾許名一福德答曰有人言業報轉輪聖王於四天下受福樂得自在是名一福德如是百福成一相復有人言作釋提桓因於二天中得自在是名一福復有人言作他化自在天王於欲界中得自在

是名一福復有人言除補處菩薩餘一切衆
生所得福報是名一福復有人言天地劫盡
一切衆生共福德故三千大千世界報立是
名一福復有人言是福不可量不可以譬喻
知如三千大千世界一切衆生皆盲無目有
一人能治令差是爲一福一切人皆被毒藥
一人能治令差一切人應死一人能救之令
脫一切人破戒破正見一人能教令得淨戒
正見如是等爲一福復有人言是福不可量
不可譬喻是菩薩入第三阿僧祇中心思大
行種是三十二相因緣以是故是福無能量
唯佛能知問曰菩薩幾時能種三十二相答

曰極遲百劫極疾九十一劫釋迦牟尼菩薩
九十一大劫行辦三十二相如經中言過去
久遠有佛名弗沙時有二菩薩一名釋迦牟尼
及一名彌勒弗沙佛欲觀釋迦牟尼菩薩心
純淑未即觀見之知其心未純淑而諸弟子
心皆純淑又彌勒菩薩心已純淑而弟子未
純淑是時弗沙佛如是思惟一人之心易可
速化衆人之心難可疾治如是思惟竟弗沙
佛欲使釋迦牟尼菩薩疾得成佛上雪山上
於寶窟中入火定是時釋迦牟尼菩薩作外
道仙人上山採藥見弗沙佛坐寶窟中入火
定放光明見已心歡喜信敬翹一脚立叉手向

佛一心而觀目未曾眴七日七夜以一偈讚佛
天上天下無如佛 十方世界亦無比

世界所有我盡見 一切無有如佛者

七日七夜諦觀世尊目未曾眴超越九劫於
九十一劫中得阿耨多羅三藐三菩提問曰
若釋迦牟尼菩薩聰明多識能作種種好偈

何以故七日七夜一偈讚佛答曰釋迦牟尼菩薩
貴其心思不貴多言若更以餘偈讚佛心
或散亂是故七日七夜以一偈讚佛問曰釋
迦牟尼菩薩何以心未純淑而弟子純淑彌
勒菩薩心純淑而弟子未純淑答曰釋迦牟
尼菩薩饒益衆生心多自爲身少故彌勒菩

薩多爲己身少爲衆生故從鞞婆尸佛至迦
葉佛於其中間九十一大劫種三十二相業
因緣竟六波羅蜜滿何等六檀波羅蜜尸羅
波羅蜜羈提波羅蜜毗梨耶波羅蜜禪波羅
蜜般若波羅蜜問曰檀波羅蜜云何滿荅曰
一切能施無所遮礙乃至以身施時心無所
惜譬如尸毗王以身施鴿釋迦牟尼佛本身
作王名尸毗是王得歸命救護陀羅尼大精
進有慈悲心視一切衆生如母愛子時世無
佛釋提桓因命欲歿自念言何處有佛一切
智人處處問難不能斷疑知盡非佛即還天
上愁憂而坐巧變化師毗首羯磨天問曰天

主何以愁憂荅曰我求一切智人不可得以
是故愁憂毗首羯磨言有大菩薩布施持戒
禪定智慧具足不久當作佛帝釋以偈荅曰
菩薩發大心 魚子菴樹華 三事因時多
成果時甚少

毗首羯磨荅曰是優尸那種尸毗王持戒精
進大慈大悲禪定智慧不久作佛釋提桓因
語毗首羯磨當往試之知有菩薩相不汝作
鴿我作鷹汝便揚怖入王腋下我當逐汝毗
首羯磨言此大菩薩云何以此事惱釋提桓
因說偈言

我亦非惡心 如真金應試 以此試菩薩

知其心定不

說此偈竟毗首羯磨即自變身作一赤眼赤
足鴿釋提桓因自變身作一鷹急飛逐鴿鴿
直來入王腋底舉身戰怖動眼促聲

是時衆多人

相與而語曰

是王大慈仁

一切宜保護

如是鴿小鳥

歸之如入舍

菩薩相如是

作佛必不久

是時鷹在近樹上語尸毗王還與我鴿此我
所愛王時語鷹我前受此非是汝受我初發
意時受此一切衆生皆欲度之鷹言王欲度
一切衆生我非一切耶何以獨不見愍而奪
我今日食王荅言汝須何食我作誓願其有

衆生來歸我者必救護之汝須何食亦當相
給鷹言我須新殺熱肉王念言如此難得自
非殺生何由得也我當云何殺一與一思惟
心定即自說偈

是我此身肉
彼須我當與

恒屬老病死

不久當臭爛

如是思惟已呼人持刀自割股肉與鷹鷹語
王言王雖以熱肉與我當用道理令肉輕重
得與鴿等勿見欺也王言持稱來以肉對鴿
鴿身轉重王肉轉輕王令人割二股亦輕不足
次割兩踵兩寬兩乳頸脊舉身肉盡鴿身猶
重王肉故輕是時近臣內戚安施帳幔却諸

看人王今如此無可觀也尸毗王言勿遮諸人聽令入看而說偈言

天人阿修羅 一切來觀我 大心無上志

以求成佛道 若有求佛道 當忍此大苦

不能堅固心 則當息其意

是時菩薩以血塗手攀稱欲上定心以身盡

以對鵠鷹言大王此事難辦何用如此以鵠

還我王言鵠來歸我終不與汝我喪身無量

於物無益今欲以身求易佛道以手攀稱介

時菩薩肉盡筋斷不能自制欲上而墮自責

心言汝當自堅勿得迷悶一切衆生隨喜憂苦

大海汝一人立誓欲渡一切何以怠悶此苦

甚少地獄苦多以此相比於十六分猶不及
一我今有智慧精進持戒禪定猶患此苦何
況地獄中人無智慧者是時菩薩一心欲上
復更攀稱語人扶我是時菩薩心定無悔諸
天龍王阿修羅鬼神人民皆大讚言為小鳥
乃尔是事希有即時天地為六種震動大海
波揚枯樹生華天降香雨及散名華天女歌
讚必得成佛是時念我四方神仙皆來讚言
是真菩薩必早成佛鷹語鴿言衆試如此不
惜身命是真菩薩即說偈言
慈悲地中生 一切智樹牙 我曹當供養
不應施憂惱

毗首羯磨語釋提桓因言天主汝有神力可
令此王身得平復釋提桓因言不須我也此
王自作誓願大心歡喜不惜身命感發一切
令求佛道帝釋語人王言汝割肉辛苦心不
惱沒耶王言我心歡喜不惱不沒帝釋言誰
當信汝心不沒者是時菩薩作實誓願我割
肉血流不瞋不惱一心不悶以求佛道者我
身當即平復如故即出語時身復如本人天
見之皆大悲喜嘆未曾有此大菩薩必當作
佛我曹應當盡一心供養願令早成佛道當
念我等是時釋提桓因毗首羯磨各還天上
如是等種種相是檀波羅蜜滿問曰尸羅波

羅蜜去何滿荅曰不惜身命護持淨戒如須
陀須摩王以劫磨沙波陀大王故乃至捨命
不犯禁戒昔有須陀須摩王是王精進持戒
常依實語晨朝乘車將諸嫫女入園遊戲出
城門時有一婆羅門來乞語王言王是大福
德人我身貧窮當見愍念賜丐少多王語言諾
敬如來告當相布施須我出還作此語已入
園澡浴嬉戲時有兩翅王名曰鹿足空中飛
來於嫫女中捉王將去譬如金翅鳥海中取
龍諸女啼哭號慟一園驚城內外搔擾悲惶
鹿足負王騰躍虛空至所任山置九十九諸
王中須陀須摩王涕零如雨鹿足語言大刹

利王汝何以啼如小兒人生有死合會有離
須陀須摩王答言我不畏死自恨失信我從
生已來初不妄語今日晨朝出門時有一婆
羅門來從我乞我時許言還當布施不慮無
常孤負彼心自招欺罪是故啼耳鹿足王言
汝意欲尔畏此妄語聽汝還去七日布施婆
羅門訖便來還若過七日不還我有兩翅力取
汝不難須陀須摩王得還本國恣意布施立
太子爲王大會人民懺謝之言我智不周初
治多不如法當見忠恕如我今日身非己有
正尔還去舉國人民及諸親戚叩頭留之願
王留意慈蔭此國勿以鹿足鬼王爲慮也當

設鐵舍竒兵鹿足雖神不畏之也王言不得
尔也而說偈言

實語第一戒 實語昇天梯 實語爲大人

妄語入地獄 我今守實語 寧棄身壽命

心無有悔恨

如是思惟已王即發去到鹿足王所鹿足遙

見歡喜而言汝是實語人不失信要一切人
皆惜身命汝從死得脫還來赴信汝是大人
尔時須陀須摩王讚實語實語是爲人非實
語非人如是種種讚實語呵妄語鹿足聞之
信心清淨語須陀須摩王言汝好說此今相
放捨汝得解脫九十九王亦布施汝隨意各還

本國如是語已百王各得還去如是等種種相
是爲尸羅波羅蜜滿問曰羸提波羅蜜去何滿
答曰若人來罵搥割剥支解奪命心不起瞋
如羸提比丘爲迦梨王截其手足耳鼻心堅
不動問曰毗梨耶波羅蜜去何滿答曰若有
大心勤力如大施菩薩爲一切故以此身誓
杼大海令其乾盡定心不懈亦如讚弗沙佛
七日七夜翹一脚目不瞬問曰禪波羅蜜去
何滿答曰如一切外道禪定中得自在又如
尚闍梨仙人坐禪時無出入息鳥於螺髻中
生子不動不搖乃至鳥子飛去問曰般若波
羅蜜去何滿答曰菩薩大心思惟分別如劬

嬪陀婆羅門大臣分閻浮提大地作七分若
干大城小城聚落村民盡作七分般若波羅
蜜如是是菩薩六波羅蜜滿在迦葉佛所作
弟子持淨戒行功德生兜率天上問曰菩薩
何以生兜率天上而不在上生不在下生是
大有福德應自在生答曰有人言因緣業熟
應在是中生復次下地中結使厚濁上地中
結使利瓊率天上結使不厚不利智慧安隱
故復次不欲過佛出世時故於下地生命短
壽終時佛未出世若於上地生命長壽未盡
復過佛出時兜率天壽與佛出時會故復次
佛常居中道故兜率天於六天及梵之中上

三下三於彼天下生中國中夜降神中夜出
迦毗羅婆國行中道得阿耨多羅三藐三菩
提中道爲人說法中夜入無餘涅槃好中法
故中天上生如是菩薩兜率天上生竟以四
種觀人間一者觀時二者觀土地三者觀種
姓四者觀生處云何觀時時有八種佛出其
中第一人長壽八万四千歲時第二人壽七
万歲第三人壽六万歲第四人壽五万歲第
五人壽四万歲第六人壽三万歲第七人壽
二万歲第八人壽百餘歲菩薩如是念人壽
百歲佛出時到是名觀時云何觀土地諸佛
常在中國生多金銀寶物飲食豐美其土清

淨去何觀種姓佛生二種姓中若刹利若婆
羅門刹利種勢力大故婆羅門種智慧大故
隨時所貴者佛於中生去何觀生處何等母
人能懷那羅延力菩薩亦能自護淨戒如是
觀竟唯中國迦毗羅婆淨飯王后能懷菩薩
如是思惟已於兜率天下不失正慧入於母
胎問曰何以故一切菩薩末後身從天上來
不從人中來答曰乘上道故六道之中天道
最上復次天上下時種種瑞應未曾所有若
從人道人道不能有此復次人敬重天故問
曰一切人以垢心有相續入母胎一切邪慧
相應去何名菩薩正慧入母胎答曰有人言

有相續時一切衆生邪慧心入母胎菩薩憶

念不失故名正慧入母胎中陰中住則知中陰

住入胎時知入胎歌羅邏時知住歌羅邏受胎

赤白精和頰浮陀二七日時如時知住頰陀伽那時

知住伽那三七日時五炮時知住五炮出生時

知出生是中憶念不失是名正慧入母胎復次

餘人在中陰住時若男於母生欲染心此女人

與我從事於父生瞋恚若女於父生染欲心此

男子與我從事於母生瞋恚如是瞋恚心染

欲心菩薩無此菩薩先已了知是父是母是父

母能長養我身我依父母生身得阿耨多羅

三藐三菩提是淨心念父母相續入胎是名

正慧入母胎是菩薩滿十月正慧不失念出胎行七步發口言是我末後乃至將示相師汝觀我子實有三十二大人相不若有三十二相具足者是應有二法若在家當爲轉輪聖王若出家當成佛諸相師言地天太子實有三十二大人相若在家者當作轉輪王若出家者當成佛王言何等三十二相師荅言一者足下安平立相足下一切著地間無所受不容一鍼二者足下二輪相千輻輞轂三事具足自然成就不待人工諸天工師毗首羯磨不能化作如是妙相問曰何以故不能荅曰是毗首羯磨諸天工師不隱沒智慧是輪

相善業報天工師生報得智慧是輪相行善
根智慧得是毗首羯磨一世得是智慧是輪
相從無量劫智慧生以是故毗首羯磨不能
化作何況餘工師三者長指相指纖長端直
次第臍好指節叅差四者足根廣平相五者
手足指縵網相如鷹王張指則現不張則不
現六者手足柔軟相如細劫波毳勝餘身分
七者足趺高滿相以足踏地不廣不狹足下
色如赤蓮華足指間網及足邊色如真珊瑚
指爪如淨赤銅足趺上真金色足趺上毛青
毗琉璃色其足嚴好譬如雜寶屐種種莊飾
八者伊泥延膊相如伊泥延鹿王膊隨次臍纖

九者正立手摩膝相不俯不仰以掌摩膝十者陰藏相譬如調善象寶馬寶問曰若菩薩得阿耨多羅三藐三菩提時諸弟子何因緣見陰藏相答曰爲度衆人泐衆疑故示陰藏相復有人言佛化作馬寶象寶示諸弟子言我陰藏相亦如是十一者身廣長等相如左拘盧陀樹菩薩身齊爲中四邊量等十二者毛上向相身有諸毛生皆上向而釋十三者一一孔一毛生相毛不亂青琉璃色毛右靡上向十四者金色相問曰何等金色答曰若鐵在金邊則不現今現在金比佛在時金則不現佛在時金比閻浮那金則不現閻浮那

金比大海中轉輪聖王道中金沙則不現金
沙比金山則不現金山比須彌山則不現須
彌山金比三十三諸天纓絡金則不現三十
三諸天纓絡金比炎摩天金則不現炎摩天
金比兜率陀天金則不現兜率陀天金比化
自在天金則不現化自在天金比他化自在
天金則不現他化自在天金比菩薩身色則
不現如是色是名金色相十五者丈光相四
邊皆有一丈光佛在是光中端嚴第一如諸
天諸王寶光明淨十六者細薄皮相塵土不
著身如蓮華葉不受塵水若菩薩在乾土山
中經行土不著足隨藍風來吹破土山令散

爲塵乃至一塵不著佛身十七者身七處隆
滿相兩手兩足兩肩項中七處皆隆滿端正
色淨勝餘身體十八者兩腋下隆滿相不高
不深十九者上身如師子相二十者大直身
相於一切人中身最大而直二十一者肩圓好
相一切治肩無如是者二十二者四十齒相不

聖大智度論四卷

多不少餘人三十二齒身三百餘骨頭骨有九
菩薩四十齒頭有一骨菩薩齒骨多頭骨少餘
人齒骨少頭骨多以是故異於人身二十三
齒齊相諸齒等無麤無細不入齒密相人
不知者謂爲一齒齒間不容一毫二十四者牙
白相乃至勝雪山王光二十五者師子頰相

如師子獸中王平廣頰二十六者味中得上
味相有人言佛以食著口中一切食皆作最
上味何以故是一切食中有最上味因故無
是相人不能發其因故不得最上味復有人
言若菩薩舉食著口中是時咽喉邊兩處流
注甘露和合諸味是味清淨故名味中得上
味二十七者大舌相是菩薩大舌從口中出
覆一切面分乃至髮際若還入口口亦不滿
二十八者梵聲相如梵天王五種聲從口出
一甚深如雷二清徹遠聞聞者悅樂三入心
敬愛四諦了易解五聽者無厭菩薩音聲亦
如是五種聲從口中出迦陵毗伽聲相如迦

陵毗伽鳥聲可愛鼓聲相如大鼓音深遠二十九者真青眼相如好青蓮華三十者牛眼暗相如牛王眼暗長厚不亂三十一者頂髻相菩薩有骨髻如拳等在頂上三十二者白毛相白毛眉間生不高不下白淨右旋舒長五尺相師言地天太子三十二大人相如是菩薩具有此相問曰轉輪聖王有三十二相菩薩亦有三十二相有何差別答曰菩薩相者有七事勝轉輪聖王相菩薩相者一淨好二分明白三不失處四具足五深入六隨智慧行不隨世間七隨遠離轉輪聖王相不介問曰云何名相答曰易知故名相如水異火以

相故知問曰菩薩何以故三十二相不多不少
答曰有人言佛以三十二相莊嚴身者端正
不亂故若少者身不端正若多者佛身相
亂是三十二相端正不亂不可益不可減猶
如佛法不可增不可減身相亦如是問曰菩
薩何以故以相嚴身答曰有人見佛身相心
得淨信以是故以相嚴身復次諸佛以一切
事勝故身色威力種姓家屬智慧禪定解脫
衆事皆勝若佛不莊嚴身相是事便少復次
有人言阿耨多羅三藐三菩提住是身中若
身相不端嚴阿耨多羅三藐三菩提不住此
身中譬如人欲取豪貴家女其女遣使語彼

人言若欲娶我者當先在嚴房室除却汗穢
塗治香熏安施床榻被蓐統縱幃帳幄幔幡
蓋華香必令嚴飾然後我當到汝舍阿耨多
羅三藐三菩提亦復如是遣智慧使未來世
中到菩薩所言若欲得我先修相好以自莊
嚴然後我當住汝身中若不莊嚴身者我不
住也以是故菩薩修三十二相自在嚴身爲
得阿耨多羅三藐三菩提故是時菩薩漸漸
長大見老病死苦狀患心生夜半出家六年
苦行食難陀婆羅門女益身十六功德石蜜
乳糜食竟菩提樹下破萬八千億鬼兵魔衆
已得阿耨多羅三藐三菩提問曰得何功德

故名爲佛。答曰：得盡智、無生智，故名爲佛。復有人言：得佛十力、四無所畏、十八不共法、三達無礙、三意止。一者受教敬重佛，無喜二者不受教不敬重佛，無憂三者敬重不敬重心無異。大慈大悲三十七道品，一切諸法，揔相別相悉知，故名爲佛。問曰：何以故未得佛道，名爲菩薩？得佛道不名爲菩薩。答曰：未得佛道，心愛著求欲取，阿耨多羅三藐三菩提，以是故名菩薩。已成佛道，更得佛種種異大功德，故更有異名，名爲佛。譬如王子未作王，名爲王子；已作王，不復名王子。旣爲王，雖是王子，不名王子。菩薩亦如是：未得佛道，名爲

菩薩已得佛道名爲佛聲聞法中摩訶迦旃
延及弟子弟子輩說菩薩相義如是摩訶衍人
言是迦旃延及弟子弟子輩是生死人不誦不
讀摩訶衍經非大菩薩不知諸法實相自以
利根智於佛法中作論議諸結使智定根等
於中作義尚處處有失何況欲作菩薩論議
譬如少力人跳小渠尚不能過何況大河於
大河中則知沒失問曰去何失荅曰上言三
阿僧祇劫過名爲菩薩三阿僧祇中頭目髓
腦布施心無有悔是阿羅漢辟支佛所不能
及如昔菩薩爲大薩陀婆安渡大海水惡風壞
船語衆賈人捉我頭髮手足當渡汝等衆人

捉已以刀自殺大海水法不停死尸即時疾
風吹至岸邊大慈如是而言非者誰是菩薩
第二阿僧祇劫行滿未入第三阿僧祇時於
然燈佛所受記爲佛即時上昇虛空見十方
佛於虛空中立讚然燈佛然燈佛言汝過一
阿僧祇劫當得作佛名釋迦牟尼得記如是
而言尔時未是菩薩豈非大失迦旃延尼子
弟子輩言三阿僧祇劫中未有佛相亦無種
佛相因緣云何當知是菩薩一切法先有相
然後可知其實若無相則不知摩訶衍人言
受記爲佛上昇虛空見十方佛此非大相耶
爲佛所記當得作佛得作佛者此是大相捨

此大相而取三十二相三十二相轉輪聖王
亦有諸天魔王亦能化作此相難陀提婆達
等皆有三十相婆跋隸婆羅門有三相摩訶
迦葉婦金色相乃至今世人亦各各有一相
二相若青眼長臂上身如師子如是等種種
或多或少汝何以重此相何經中言三阿僧
祇劫中菩薩不種相因緣如難陀澡浴鞞婆
尸佛願得清淨端正於辟支佛塔青黛塗壁
作辟支佛像因而作願願我恒得金色身相
又作迦葉佛塔中級以此三福因緣世世受
樂處處所生恒得端嚴是福之餘生迦毗羅
婆釋種中爲佛弟子得三十大人相清淨端

正出家得阿羅漢道佛說於五百弟子中難
陀比丘端正第一此相易得云何言於九十一
大劫中種餘一生中得是爲大失汝言初阿
僧祇劫中不知當作佛不作佛二阿僧祇劫
中知當作佛不自稱說三阿僧祇劫中知得
作佛能爲人說佛何處說是語何經中有是
語若聲聞法三藏中說若摩訶衍中說迦旃
延尼子弟子輩言雖佛口三藏中不說義理
應尔阿毗曇鞞婆沙菩薩品中如是說答曰
摩訶衍中說初發心是時知我當作佛如阿
遮羅菩薩於長手佛邊初發心時乃至金剛
坐處成佛道於其中間顛倒不淨心不生如

首楞嚴三昧中四種菩薩四種受記有未發
心而授記有適發心而授記有於前授記他
人盡知己身不知有於前授記他人己身盡
知汝云何言於二阿僧祇劫知受記而不自
稱說復次佛言無量阿僧祇劫作功德欲度
衆生何以故言於三阿僧祇劫三阿僧祇劫
有量有限問曰摩訶衍中雖有此語我亦不
都信荅曰是爲大失是佛真法佛口所說汝
無反復汝從摩訶衍中出生云何言我不都
信復次摩訶衍論議此中應廣說復次說是
三十二相業因緣欲界中種非色無色界中種
無色界以無身無色是三十二相是身莊嚴

故於中不得種了。色界中何以不得種。色
界中大有諸梵王。常請佛初轉法輪。是智慧
清淨。能求佛道。何以言不得種。三十二相因
緣。又言人中得種。非餘道。如婆伽度龍王十
住菩薩。阿那婆達龍王七住菩薩。羅睺阿修
羅王。亦是。大菩薩復何以言餘道不得種。三
十二相因緣。汝言人中閻浮提種。鬱怛羅曰
不可種。有義。彼中人無吾我著樂。不利根。故
劬陀。尸弗婆提。二處福德智慧壽命勝。閻浮
提何以不得種。復次。汝言一思種。一相。是心彈指
頃。六十生滅。一心中不住。是一心中無力。不住不
能分別。云何能種。大人相。此大人相不應不了。

心得種以是故多思。新合能種一相如重物一人不能擔。必須多人力。如是種相要得大心多思和合。尔乃得種以是故名百福相。百大心思種是名百福相。不應一思種一相。餘事尚不得一思種一事。何況百福相。何以故。言釋迦文。居菩薩心未純淑。弟子心純淑。彌勒菩薩心純淑。弟子心未純淑。是語何處說。三藏中摩訶衍中無是事。此言自出。汝心汝但見釋迦文。居菩薩於寶窟中。見弗沙佛。七日七夜以一偈讚彌勒菩薩。亦種種讚弗沙佛。但阿波陀經中不說。汝所不知。無因緣故。汝便謂彌勒弟子心未純淑。如是皆為違失。汝言善。

薩一切物能施無所愛惜如尸毗王爲鴿故
割肉與鷹心不悔恨如以財寶布施是名下
布施以身布施是名中布施種種施中心不
著是爲上布施汝何以讚中布施爲檀波羅
蜜滿此施雖心大多慈悲有知智慧有不知
智慧如人爲父母親屬不惜身或爲主不惜
身以是故知爲鴿不惜身是中布施問曰善
薩爲一切衆生爲父爲主者爲一切人故以
是故非直不惜身爲檀波羅蜜滿答曰雖爲
一切衆生是心不清淨不知己身無吾我不
知取者無人無主不知所施物實性不可說
一不可說異於是三事心著是爲不清淨於

世界中得福報不能直至佛道如說般若波
羅蜜中三事不可得亦不著是爲具足檀波
羅蜜滿如是乃至般若波羅蜜能分大地城郭
聚落作七分是爲般若波羅蜜滿是般若波
羅蜜無量無邊如大海水諸天聖人阿羅漢
辟支佛乃至初行菩薩尚不能知其邊崖十
地住菩薩乃能知云何汝言能分大地城郭聚
落作七分是名般若波羅蜜滿是事是筭數法
能分地是世俗般若波羅蜜中少許分譬如
大海水中一滸兩滸實般若波羅蜜名三世
諸佛母能示一切法實相是般若波羅蜜無
來處無去處一切處求不可得如幻如響如

水中月見便失諸聖人憐愍故雖一相以種種名字說是般若波羅蜜諸佛智慧寶藏汝言大失汝言四種觀觀時觀土地觀種族觀生剋人壽八萬歲佛出七六五四三二萬歲中佛出世人壽百歲是佛出時若諸佛常憐愍衆生何以止八種時中出世餘時不出佛

法不待時如好藥服時便差病佛法亦如是不待時問曰雖菩薩憐愍衆生諸佛不待時過八萬歲人長壽多樂染愛等結使厚根鈍非可化時若百歲後人短壽苦多瞋恚等諸結使更厚此樂時苦時非得道時以是故佛不出世答曰諸天壽出千萬歲有先世因緣雖多樂染

愛厚能得道何況人中不大樂三十六種不
淨易可教化以是故人壽過八萬歲佛應出
是中人無病心樂故人皆利根福德福德利
根故應易得道復次師子鼓音王佛時人壽
十萬歲明若鎰之明王佛人壽七百阿僧祇
劫阿彌陀佛人壽無量阿僧祇劫汝云何言
過八萬歲佛不出世問曰摩訶衍經有此事
我法中無十方佛唯過去釋迦文尼拘陳若
等一百佛未來彌勒等五百佛答曰摩訶衍
論中種種因緣說三世十方佛何以故十方
世界有老病死姪怒癡等以是故佛應出其
國如經中說無老病死煩惱者諸佛則不出

世復次多病人應有多藥師汝等聲聞法長
阿含中毗沙門王以偈白佛

誓首去來 現在諸佛亦復歸命釋迦文佛
汝經過去未來現在諸佛言誓首釋迦文尼
佛言歸命以此故知現在有餘佛若無餘國佛
何以故前稽首三世佛後別歸命釋迦文尼
佛此王未離欲在釋迦文尼佛所得道敬愛
心重故歸命於餘佛所直誓首問曰佛口說
一世間無一時二佛出亦不得一時二轉輪
王出以是故不應現在有餘佛答曰雖有此
言汝不解其義佛說一三千大千世界中無
一時二佛出非謂十方世界無現在佛也如

四天下世界中無一時二轉輪聖王出此大
福德人無怨敵共世故以是故四天下一轉
輪聖王佛亦如是於三千大千世界中亦無
二佛出及轉輪聖王經說一種汝何以信餘
四天下更有轉輪聖王而不信餘三千大千
世界中更有佛復次一佛不能得度一切衆
生若一佛能度一切衆生者可不須餘佛但
一佛出如諸佛法度可度衆生已而滅如燭
盡火滅有爲法無常性空故以是故現在應
更有餘佛復次衆生無量苦亦無量是故應
有大心菩薩出亦應有無量佛出世度諸衆
生問曰如經中說無量歲中佛時時出譬如

漚曇婆羅樹華時時一出若十方佛充滿佛
便易出易得不名爲難值答曰不尔爲一大
千世界中佛無量歲時時出不言一切十方
世界中難亦爲罪人不知恭敬不勤精進求
道以是故語言佛無量歲時時一出又此衆
生衆多罪報故墮惡道中無量劫尚不聞佛
何況見佛以是人故言佛出世難問曰若現
在十方多有諸佛菩薩今一切衆生罪惡苦
惱何以不來度之答曰衆生無量阿僧祇劫
罪垢深厚雖有種種餘福無見佛功德故不見
佛如偈說
好福報未近 衰罪未除却 現前不能見

大德有力人
慈悲一切人
智慧根亦利
譬如大龍王
各各如所受

大德諸聖人
一時欲令度
若爲現度緣
隨願雨衆雨

心亦無分別
衆生福德熟
即時得解脫
罪福隨本行

問曰若自有福德自有智慧如是人佛能度

若無福德智慧佛不度若尔者自有福德智
慧不待佛度答曰此福德智慧從佛因緣出
若佛不出世諸菩薩以十善因緣四無量意
後世罪福報種種因緣教導若無菩薩有種
種經中說人得此法行福德因緣復次人雖
有福德智慧若佛不出世是世界中受報不

能得道若佛出世乃能得道是為大益譬如
人雖有目日不出時不能有所見要須日明
得有所見不得言我有眼何用日為如佛說
二因二緣能生正見一從他聞法二內自如
法思惟福德事故能生善心利根智慧故能
如法思惟以是知從佛得度如是等種種多
有違錯欲作般若波羅蜜論議故不能復廣
論餘事

大智度論卷第四

墀

丁果反

狹

咸夾反

猫牛

上莫交反 正作犛

杼

音序

匹

反字

快

傾惟反

轡勒

上音秘

刺

郎達反

枚

音梅

紺

古反

暗

純

澍

上垂

倫反下翹渠遙眇詩閨羸初初鷹反又腋亦蕪

音熟反下翹渠遙眇詩閨羸初初鷹反又腋亦蕪

奪反二同徒活臭爛救反昌股持稱今尺證反

踣膊反二同時軟兩寬下正作體音帳幔向知

平反莫勸筋下二同音斤號慟下音洞搔擾

上蘇刀反涕零上音叩頭上音梯他步

下音遶反剖剥角下必劬嬪衡頻頰於葛

匏蒲白鍼針織息廉脯反田恭縵綱官反莫毛毳昌

反狡奇逆釋直利右靡彼反啞喉上音睫接音

娶反七聚檣榻音塔蓐辱統紕下音紆阮反經幔

上於角反地音賈人上音隸琴帝青黛伐音

下莫半反跣條賈人上音隸琴帝青黛伐音

沛滴字鎧燈漚曇下徒舍反

